



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 31. Concilium Trecense.

[urn:nbn:de:hbz:466:1-66385](#)

Sæcul. XII. Papa Richardum Episcopum Albanensem
A.C. 1103. in Franciam misit, ut Regem absolve-
ret.

§. XXXI.

Concilium Trecense.

ep. 141.

Ceterum Paschalis Papa Concilium Tre-
cis celebrandum indixit, in quam
Civitatem cum vocaretur Ivo Carnoten-
sis, literas ad Pontificem dedit in hunc
modum scriptas: *Quanto dolore olim
percepi, Regem excommunicari meruisse,
tanto solatio hodie perciperem, quod a cen-
sura absolvatur, dummodo ea absolutio ad
Dei & Sacrae Sedis honorem evenire pos-
sit. Si Deus cor Regis tangat, suadeo,
ut Absolutionem solemnri ritu, & Episco-
pis, quotquot convocare potueris, præsen-
tibus, pronuncies, sicque non minus ejus
conversio, quam prius culpa omnibus nota
fiat. Ceterum ad Concilium indictum me
conferre cuperem, sed nescio, qua via illuc
pervenire possim, invito Rege, quem offen-
sum jam annis decem habeo. Nihilomi-
nus Ivo illi Concilio interfuit.*

Trecis Patres adfuere frequentissimi.
Nam advenisse leguntur Manasses Archi-
episcopus Remensis, Manasses alter Epi-
scopus Suessionensis, & Hugo Catalau-
nensis, Daimbertus Senonensis, Ivo Car-
notensis, Joannes Aurelianensis, Hum-
baldus Antissiodorensis, Herveus Niver-
nensis,

Sup. lib.
LXIV.
§. 6.

to. 10. Conc.
p. 704.

nensis, & Milo seu Philippus Trecensis, Sæcul. XII.
 Rudolphus Turonensis, Marbodus Rhe- A.C. 1104.
 donensis. Ex provincia Lugdunensi, Ro-
 bertus Lingonensis, Norgaudus Augusto-
 dunensis, pluresque alii, quorum nomina
 non sunt apposita. Initium huic Conci-
 ilio datum est mense Aprili ineunte, anno
 millesimo centesimo quarto, Indictione
 duodecima. Hubertus Episcopus Silva-
 necensis accusatus fuit, quod Ordines *Iv. ep. 258.*
 Sacros nundinaretur, sed Episcopis visum,
 actores non satis probare, quod afferrent,
 unde Huberto juramento objecta dilue-
 re licuit. In eodem Concilio adfuere
 Legati Ecclesiæ Ambianensis, petentes,
 ut electio Godefridi Abbatis Nogenti-
 nensis, quem sibi in Episcopum coopta-
 verant, consentiente Rege, confirmare-
 tur. Omnes, quibus perspecta erat Go-
 defridi pietas, Deum laudabant, quod
 vir eximius Ecclesiæ Ambianensi obtin-
 geret. Ipse vero procul aberat ab Epi-
 scopatus ambitione, quippe ad Conci-
 lium veniens mandata sibi commissa lu-
 benter suscepserat, quibus instructus Elec-
 tionem alterius cujusdam Archidiaconi
 ad Sedem Ambianensem confirmari pe-
 tebat. Ergo fugam meditans compre-
 henditur, Legato Episcopisque jubenti-
 bus in medio Concilii sistitur, & Electio
 cunctis plaudentibus confirmatur.